

DIE V. SEPTEMBRIS.

B. CATHARINÆ A RACONIXIO VIRG. ORD. PRÆD.

DUPLEX.

Oratio.

SPES nostra Dómine, qui beátæ Catharinæ cor te ipso
 plenum cælestium donórum abundantia decorásti :
 tantæ Vírginis intercessióne, concéde ut totus nobis figá-
 tur in corde ꝛ qui totus pro nobis fixus fuit in cruce : Dó-
 minus noster Jesus Christus Fílius tuus ꝛ Qui tecum vivit.

✠ Quando prædicta Oratio dicitur ad Memoriam, et se-
 quitur alia Memoria, terminetur sic : qui totus pro nobis
 fixus fuit in cruce, Christus Dóminus noster. R̄. Amen.

DIE VI. SEPTEMBRIS.

B. BERTRANDI DE GARRIGA CONF. ORD. PRÆD.

DUPLEX.

Oratio.

DEUS, qui sancto Patriárchæ Domínico beátum Ber-
 trándum, Confessórem tuum, sócium et imitatórem
 exímium adjunxísti : ejus nobis pio intervéntu concéde
 ita ejúsdem sequi vestígia ꝛ ut assequámur et præmia : Per.

DIE VII. SEPTEMBRIS.

S. ROSÆ DE VITERBIO VIRGINIS.

DUPLEX.

Oratio.

DEUS, qui beátam Rosam sanctárum tuárum Vírginum
 collégio aggregáre dignátus es : tríbue nobis, quæ-
 sumus, ut ejus précibus et méritis a culpis ómnibus expié-
 mur ꝛ et tuæ majestátis consórtio perfruámur ætérno : Per.

In j. Vesperis Memoria S. Marcelli Martyris.

Oratio.

PRÆSTA, quæsumus omnipotens Deus : ut qui beáti
 Marcélli Mártiris tui natalítia cólimus ꝛ intercessióne
 ejus in tui nóminis amóre roborémur : Per.